



COMUNU DE SCALEPRANU

PROVÌNTZIA DE SUD SARDIGNA

DELIBERAZIONI DE SU CUNSILLU COMUNALI

N. 4 DE SU 08/04/2020

OGETU: PROGRAMA PO DUUS ANNUS DE FORNIDURAS E SERVÌTZIUS - PROGRAMMA PO TRES ANNUS 2020/2022 E ELENCO ANNUALI 2020 DE IS TRABALLUS PÙBBLICUS A NORMA DE S' ART. 21 D.LGS 18 DE APRILI 2016 N. 50 – APROVATZIONI.

S'annu DUAMILLABINTI, su OTU de su mesi de **APRILI**, a is **18:00**, in s'apostu de is atòbius cunsiliaris de su Comune de Scalepranu, pustis sa convocatzioni fata a norma de s'art. 3 de su regulamentu de su Cunsillu Comunali, s'est atobiadu su Cunsillu Comunali, in prima convocatzioni.

A s'apellu nominali risurtant presentis:

SU SÌNDIGU Marco Lampis;

CUNSILLERIS PRESENTIS

AGUS DANILO
CARTA PAOLO
LAI ALESSANDRO
LAI ANTONIO
LEONI ELEONORA
LOCCI MAURO
PISANU MICHELE

ROSAS JOHNNY
SPANO SANDRA RITA
USALA LAURA
ZEDDA FILIPPO ANDREA

CUNSILLERIS ASSENTIS

PRASCOLU NICOLA

Cunsillaris assinnadus n. 12 in prus de su Sìndigu, in totu n. 13

presentis in totu n. 12

Cunsillaris in càrriga n. 12 in prus de su Sìndigu, in totu n. 13

assentis in totu n. 1

Cun s'assistèntzia de su Segretàriu Comunali Dot. Giovanni Mattei, su Sìndigu Marco Lampis, pigat sa presidèntzia e acraradu su nùmeru legali de is intervènnius, decrarat aberta sa setzida e cumbidat is cunsillaris a deliberari asuba de s'ogetu postu in sus.

Si donat autu ca sa piataforma telemàtica chi permitit su riconoscimentu de sa faci e de sa boxi e duncas s'identificatzioni de sa persona de su Segretàriu est sa piataforma go to meeting po is cunferèntzias virtualis.

SA SETZIDA EST PÙBBLICA

SU CUNSILLU COMUNALI

STÈRRIDU:

- **Ca** s'art. 21 de su D.Lgs 18 de aprili 2016 n. 50 e simbillantis, previdit ca is amministratzionis pùbblica agiudicatàrias si depint dotari de duas ainas de programmatzioni annuali e po pluriennalis:
 - a) Su programma po tres annus de is traballus pùbblicus, elencu annuali e aggiornamentus relativus;
 - b) Su programma po duus annus de is còmporas e fornidura de benis e servìtzius, elencu annuali e aggiornamentus relativus;
- **Ca** is programmas arremonadus funt aprovadus in su rispetu de is documentus programmadoris e in coerenza cun su bilànciu e, po is entis localis, sighendi is normas chi regulant sa programmatzioni econòmicu-finanziària de is entis;
- **Ca** su programma po dus annus po is còmporas de benis e servìtzius e su programma po tres annus de is traballus pùbblicus, funt cuntènnius in su Documentu ùnicu de Programmatzioni (DUP) de s'enti, predispostu in rispetu de su printìpiu aplicadu de sa programmatzioni postu in su liòngiu n. 4/1 de su D.Lgs 23 de làmpadas 2011, n. 118 e simbillantis;

BIU su Decretu de su Ministèriu de is Infrastruturas e de is Trasportus in paris a su Ministèriu de s'Economia e de is Finàntzias de su 16 de gennàrgiu 2018, publicadu in sa Gazeta Uficiali su 9 de martzu 2018, chi pertocat: "Regulamentu cun proceduras e schemas-tipu po sa redatzioni e sa publicatzioni de su programma po tres annus de is traballus pùbblicus, de su programma po duus annus po sa còmpora de fornidurase servìtzius e de is elencus annualis relativus e aggiornamentus annualis", chi definint is contenutus de is schedas de predisponniri e aprovari;

ARREMONADA sa deliberatzioni de sa Giunta Comunali n. 58 de su 27.11.2019, chi adotat is schemas de su Programma de tres annus de is traballus pùbblicus po is tres annus 2020/2022 e de s'Elencu annuali de is traballus pùbblicus de fari in s'annu 2020 chi si cumponint de is schedas de sa A a sa F, aici comentu postu in su D.M. de su Ministèriu de is Infrastruturas e de is Trasportus de su 16 de gennàrgiu 2018;

PIGADU AUTU ca is schemas de su Programma po tres annus de is traballus pùbblicus po is annus 2020/2022 e de s'Elencu annuali funt stètius publicadus in s'albu pretòriu informàticu de su 27.11.2019;

POSTU IN CUNSIDERU ca de sa data de adozioni de su Programma po tres annus de is traballus pùbblicus 2020/2022 e de s'Elencu annuali funt intervènnias variatzionis amministrativas e contàbilis chi archedint unu adeguamentu;

BIU su programma po duus annus de is comporas e forniduras de benis e servìtzius po is annus 2020/2021, su Programma triennali 2020/2022 e de s'Elencu annuale 2020 de is traballus pùbblicus, redadus de su referenti a norma de s' art. 3, corriedda 14, D.M. 16 de gennàrgiu 2018, sighendi is propostas intregadas de is responsàbilis de su procedimentu a norma de s' art. 31 de su D.Lgs n. 50/2016, comentu si bit in is schedas alliongiadas e nomenadus de sighida "Liòngiu 1" e "Liòngiu 2":

- Su Liòngiu I – Programma po tres annus de is òpers pùbblicas 2020-2022, chi previdit po su 2020 investmentus po € 2.404.116,25 e po su 2021 investmentus po € 8.930.986,95 po unu totali de € 11.335.103,20.

Nesciuna de is òperas postas in su programma previdit impinnius e spesas in su 2022. In su liòngiu 1 chi cumprendit fintzes is interventus postus in s'elencu annuali relativu a su 2020, funt elencadas totus is òperas pùbblicas cun importus de traballu paris o prus artu de € 100.000,00;

Su liòngiu 1 cumprendit fintzes is interventus postus in s'elencu annuali relativu a su 2020.

- Su Liòngiu II – Programma po duus annus de is còmporas e forniduras de benis e servìtzius 2020-2021, previdit po su 2020 una dotatzioni finanziària de € 84.823,00 e po su 2021 de € 80.000,00. Po su 2020, ddoi funt postas is risorsas donadas de sa RAS po su pianu straordinàriu de is cantieris comunali Lavoras; e po s'annu 2021 ddoi funt postas is risorsas stantziadas de su bilànciu comunali, chi provenint de su fundu ùnicu regionali, e destinadas a su finanziamentu de is cantieris comunali gestidu, peri proceduras apòsitas, a is cooperativas sotzialis de tipu B.

Custu programma cumprendit sceti is afidamentus po is còmporas de benis e sa fornidura de servìtzius de importu paris o prus artu de € 40.000,00;

DONADU AUTU ca custus schemas, alliongiadus a custu autu, si cumponint de is schedas pregontadas de su D.M. 16 de gennàrgiu 2018, predispostas in coerèntzia cun is documentus de pianificatzioni o de programmatzioni a norma de su D.Lgs 118/2011;

ACRARADU ca po is traballus postus in su programma po is tres annus e in s'elencu annuali si funt aprovadus is livellus mìnimus de progetatzioni a norma de s'art. 21, corriedda 3, D.Lgs 50/2016 e 3, corriedda 9-10, D.M. 16 de gennàrgiu 2018;

BIU cantu postu:

- In su schema de su Programma po tres annus, po is òperas chi rientrant in su D.Lgs n. 50/2016 e simbillantis, sighendi is schemas postus in su D.M. 16.01.2018 n. 14, definidu sighendi is obietivus de raggiungi de s'Amministratzioni in is tres annus chi benint po sodisfari is abisòngius e is esigèntzias de investimentu pùbblicu essentzialis e de istitutu de su Comunu de Scalepranu chi, sighendi su schema adotadu cun deliberatzioni de sa Giunta Comunali, previdit:
 - a) Sa cancellazioni de s'interventu relativu a su "POR FESR Sardegna 2014/2020 Assi prioritàriu IV – "Energia sostenibili e callidadi de sa vida" atzioni 4.1.1 e 4.3.1 - Interventus de efficientamentu energèticu de is edifitzius pùbblicus e de aprontamentu de micro retzas in is struturas pùbblicas in sa Regioni Sardìnnia. Interventu de ricalificatzioni energètica de sa Domun Municipali e de sa strutura comunali imperada po "Polo Socio Culturale e Sportivo di proprietà comunale", in cantu postu in sa programmatzioni triennali 2019-2021, e chi funt stètias aviadas is proceduras de afidamentu de is traballus in s'annu 2019;
 - b) Su càmbiu de s'importu de s'interventu de sa "L.R. n. 5/2017, art. 3, corriedda 16. Cuncessioni de finantziamentus po s'ammannimentu e su fraigu de campusantus" po su chi pertocat sa cuota de cofinantziamentu comunali de s'annu 2020;
- De su schema de s'elencu po duus annus de is còmporas de forniduras de benis e servìtzius riferidus a is annus 2020/2021, chi cunfrontas a su schema adotadu cun sa Deliberatzioni de Giunta Comunali n. 58 de su 27.11.2019, previdit s'inserimentu de sa programmatzioni de is proceduras de afidamentu de su servìtziu po sa gestioni de is cantieris LAVORAS, finantziadus cun fundus regionalis, e Cantieris Ocupatzioni, finantziadu cun fundus comunalis, in scadèntzia s'annu chi benit;

DONADU AUTU:

- **Ca** is schemas de is programmas arremonadus, alliongiadus a custa deliberatzioni funt stètius cumpiladus sighendi is schedas previdias de su D.M. 16 de gennàrgiu 2018;
- **Ca** is schemas si funt aprontadus sighendi is inditus normativus in matèria, e tenendi contu de is inditus programmaticus de custa amministratzioni comunali, pighendi in cunsideru fintzes is òperas in cursu in su Programma po is annus 2019/2021;
- **Ca** serbit, cunforma a cantu stabilidu in su D.M. 16.01.2018 n. 14, aprovari su programma de duud annus còmporas e forniduras de benis e servìtzius po is annus 2020 e 2021 e su programma po tres annus de is traballus pùbblicus po is annu 2020/2022, cun is relativus elencus annualis;
- **Ca** su programma triennali de is traballus pùbblicus, s'elencu de is còmporas de benis e servìtzius po is annus 2020/2021 e is relativus aggiornamentus a s'annu funt publicadus in su profilu de su commitenti, in su situ de su Ministèriu de is Infrastruturas e de is trasportus e de s' ANAC, finas peri sistemas informàtizadus de is regionis e de is provìntzias autònomas;

ARRICIDU su parri a favori de su responsàbili de su Servìtziu Tècnicu in òrdini de regularidadi tècnica, chi atestat sa regularidadi de s'atzioni amministrativa, a norma de is art. 49, corriedda 1 e 147 bis, corriedda 1, T.U.E.L. 18.08.2000, n. 267;

ARRICIDU su parri a favori alliongiadu de regularidadi contàbili espressadu a norma de s' art. 49, corriedda 1 de su D.Lgs n. 267/2000 de su Responsàbili de su Servìtziu Finantziàriu;

BIU su D.Lgs de su 18 de austu 2000 n. 267, cun su Testu ùnicu asuba de s'ordinamentu de is Entis Localis; **SU PRESIDENTI**, pustis de àiri arrexonadu cun is cunsilleris, ponit a is votus sa proposta e ndi sighit custu risurtadu:

PRESENTIS E VOTANTIS N. 12;
VOTUS A FAVORI N. 12;
CONTRAS N. /
ASTÈNNIUS N. /

Cun votus de totus, espressadus in forma de lei;

DELÌBERAT

- **De pigari autu** de sa stèrrida, chi in totu si richiamat e s'aprovat.
- **De aprovari** su schema de Programma po tres annus de is traballus pùbblicus 2020/2022 e su schema de s'elencu po duus annus de is còmporas e fornaduras de benis e servìtzius po is annus 2020 e 2021, redadus sighendi is schemas tipu aprovadus de su Decretu de su Ministèriu de is Infrastruturas e de is trasportus su 16.01.2018, n. 14 cun custas schedas:
 - **LIÒNGIU I) – TRABALLUS PÙBBLICUS:**
 - A: Cuadru de is risorsas netzessàrias po s'aprontamentu de su programma;
 - B: Elencu de is òperas pùbblucas non finidas;
 - C: Elencu de is immòbilis a disponimentu;
 - D: Elencu de is interventus de su programma;
 - E: Interventus postus in s'elencu a annuali;
 - F: Elencu de is traballus postus in s'elencu annuali de su programma po is tres annus passadu e non torradus a pònneri o non aviadus;
 - **LIÒNGIU II) - SERVÌTZIUS E FORNIDURAS:**
 - A: Cuadru de is risorsas netzessàrias po s'aprontamentu de su programma;
 - B: Elencu de is còmporas de su programma;
 - C: Elencu de is interventus postus in sa prima annualidadi de su programma de suus annus bèciu e non torradus a pònneri o non aviadus.
- **De donari** autu ca pustis de s'aprovatzionii de custu provedimentu, cunforma a cantu prevèdiu in s' art. 5 de su D.M. 14/2018, is programmas arremonadus, anta èssiri publicadus cun is maneras prescritas de sa normativa in vigori.

Cun atra votazioni, cun votus a favori de totus, espressadus in forma de lei, custa deliberatzioni benit deccrarada esecutiva luegu, a norma de s' art.134, corriedda 4, de su D.lgs. 267/00.

Parris ex art. 49 de su T.U. de sa lei asuba de s'ordinamentu de is Entis Localis, aprovalu cun D.lgs. 267/2000

A) Si espressat parri in favori po su chi pertocat sa regularidadi tènnica
SU RESPONSABILIS DE SU SERVÌTZIU
Ing. Marco Mura

B) Si espressat parri in favori po su chi pertocat sa regularidadi contàbili
SU RESPONSABILIS DE SU SERVÌTZIU
Giovanni Luigi Mereu

Lìgiu aprovalu e sotoscritu

SU SÌNDIGU

Marco Lampis

SU SEGRETÀRIU COMUNALI

Dot. Giovanni Mattei

Su Sotoscritu Segretàriu Comunali:

ATESTAT

Ca custa deliberatzioni, in aplicatzioni de sa L.R. n. 2 de su 04/02/2016 est stètia pubblicada, in s'Albu Pretòriu comunali su **15/04/2020** po ddoi abarrari po 15 dis de sighida.

Su Segretàriu Comunali

Dot. Giovanni Mattei

Scalepranu, 15/04/2020

Su Sotoscritu Segretàriu Comunali, bius is autus de ufitziu:

ATESTAT

Ca custa deliberatzioni est esecutiva de su **08/04/2020**:

- Essendi stètia decrarada esecutiva luegu, a norma de s'art. 134, corriedda 4 de su D.lgs 267/2000;
- Essendi passadus 10 dis de sa publicatzioni.

Su Segretàriu Comunali

Dot. Giovanni Mattei